



Guot, Daag an Kou

-  Fabian Wakholi
-  Marleen Visser, Ingrid Schechter
-  Georgette McGlashen
-  Jamaican Creole
-  Level 2






Guot, Daag an Kou a did gud fren. Wan die dem go pan wahn jorni ina wahn taksi.



Wen dem riich di en a dem jorni, di jraiva aks
dem fi pie dem fier. Kou pie fi ar fier.



Daag did pie a likl ekstra, kaaz im neva av di rait moni.



Di jraiva did a go gi Daag im chienj wen Guot
ronwe an no pie notn.



Di jraiva did wel beks. Im jraiv we an no gi
Daag im chienj.



Das wai, iivn tu dis die, Daag ron aafa kyar fi si
ef im kyan fain di jraiva uu uo im im chienj.



Guot ronwe fram di soun a kyar. Shi fried shi a go get lak op fi no pie ar fier.



An Kou no bizniz wen kyar a kom. Kou tek ar taim a kraas di ruod kaa shi nuo se shi pie aal a ar fier.



Storybooks Jamaica

global-asp.github.io/storybooks-jamaica

Guot, Daag an Kou

Written by: Fabian Wakholi

Illustrated by: Marleen Visser, Ingrid Schechter

Translated by: Georgette McGlashen

This story originates from the African Storybook (africanstorybook.org) and is brought to you by [Storybooks Jamaica](https://global-asp.github.io/storybooks-jamaica) in an effort to provide children's stories in Jamaica's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).